

法界次第初門

陳隋國師智者大師撰





清刻龍藏佛說法變相圖

法界次第初門總序

振六

天台山修禪寺沙門釋智顗輒依經附論撰
法界次第初門三百科裁為七卷流傳新學
略為三意一為讀經尋論隨見法門脫有迷
於名數者二為未解聖教所制法門淺深之
次第三為學三觀之者當以此諸法名相義
理一一歷心而轉作則觀解無礙觸境不迷
若於一念心中通達一切佛法者則三觀自
然了了分明也故出此三百科名教仍當名
下略辨體相始得三卷

法界次第初門卷上

陳隋國師智者大師撰

名色初門第一 五陰初門第二

十二入初門第三 十八界初門第四

十六知見初門第五

見愛二煩惱初門第六

三毒初門第七 五蓋初門第八

十煩惱初門第九 亦名十使

九十八使初門第十

十惡初門第十一 十善初門第十二

三歸初門第十三 五戒初門第十四

四禪初門第十五

四無量心初門第十六

四無色定初門第十七 亦名四空定

六妙門初門第十八

十六特勝初門第十九

通明觀初門第二十 亦名通明禪

名色初門第一 一名二色

今辦法界初門先從名色而始者至論諸法

本原清淨絕名離相尚非是一何曾有二不

二而辨其二者以行者初受一期妄報歌羅

邏時但有名色二法當知名色即是一切世

間出世間法之根本能生一切法普攝一切

法即是一切法若諸大聖分別說一切法門

皆約名色而分別之無有一法出於名色故

智度論偈云

攝六

一切諸法中 但有名與色 若欲如實觀

但當觀名色 雖癡心多想 分別於異事

更無有一法 出於名色者

一名 心但有字故曰名也即是心及相應數法雖有能緣之用而無質礙可尋既異

處名為舌舌是四大造色亦為十色五身入
所成謂四大微身根微舌根微也
六分假合之體對觸能覺觸處皆名為身
是四大造色但有九色所成謂四大微身
微六意入之心對一切法即有能知法之用名
心數法但取心為意意者即心王也是中除諸
王以為意入

外六入者此六法踈故屬外識所遊涉故名
為入亦名塵者塵以染汙為義以能染汙情
識故通名為塵也

一色入一切對眼所見之色名為色色有二
身色青黃赤白黑等二依報可見色色有
對耳所聞之色曰聲聲有二種聲攝一切聲
一從正報色出聲眾生語言音聲也二從依
報色出三香入一切對鼻所聞之色名香香
色處香眾生身中香臭也二依報色四味入
一切對舌所知之色曰味味有二種味攝一
切味一正報色外一切無味眾生身中之六
味也二依報色五觸入一切對身所觸之
色名觸觸有六種觸攝一切觸一正報色
身中冷暖滋滑等十六觸也二依報色處
身中冷暖滋滑等十六觸也

外一切無知色中冷六法入一切對意所知
二種法攝一切法一者心法是中除心王但
取相應諸心數法也二者非心法即過去未
來色法及心不相應
諸行及三無為法

十八界初門第四 內六根界一眼界二耳
界三鼻界四舌界五身界六意識界

古界五身外六塵界一色界二香
界六意界外六塵界一色界二香
界四味界五六識界一眼界二耳
三鼻識界四舌識界五身識界六意識界

次十二入而辨十八界者以惑者迷於名色
俱重故開色為十離名作八合為十八界也
通名界者以界別為義此十八法各有別體

義無渾濫故通受界名也

內六根界此具如前明內六根入中分別其
觀之徒推指無謬不滯

十六知見之妄計也

外六塵界此具如前外六塵入中分別其相
中立

界名

六識界者若根塵相對即有識生識以識別為義識依於根能識別於塵故此六通名識也若了識從緣生豈計有神使知謬取也

一眼識界生時即對色塵故名眼識界也

耳識界生時即對聲塵故名耳識界也

識界生時即對香塵故名鼻識界也

舌根若對味塵故名舌識界也

身根若對觸塵故名身識界也

生時即對識塵故名意識界也

生已即滅意為意識此意識續生意識生時即識法塵若五識能生意識即以前五識為根後意識為意識此意識滅次識續生是則前意識生後意識如是亦脫傳受根識之名

皆以能生為根所生為識今

說所生之識為意識界也

十六知見初門第五一我二眾生三壽者四

眾數八人九作者十使者十一受者十二起者十三受者十四使者十五見者十六見者

次名色陰入界而辨十六知見者名色等法

中神我本不可得而未見道者悉於名色等法中妄計有我我所計我之心歷緣略辨即有十六知見之別廣對諸緣則妄計不可稱數因此顛倒備起一切煩惱生死行業今為欲於後明生法二空等一切觀門必須善識

假實之法故略依傍大智度論釋之也

一我若於名色陰入界等法中無明不了若即若離中妄計有我我所之實故名為

我二眾生於名色陰入界等法中妄計有我我所之實故名為

於名色陰入界等法中妄計有我我所之實故名為

受一期果報壽有長短故名壽者

色陰入界等法中妄計我命

根成就連持不斷故名命者

五生者於名色陰入界等法中妄計我命

等法中妄計我能起眾事如父生子名六養

育於名色陰入界等法中妄計我能起眾事如父生子名六養

育他故名養育亦計我從生已來為父母養

有故名七眾數於名色陰入界等法中妄計我從生已來為父母養

界等諸因緣是眾八人於名色陰入界等法中妄計我從生已來為父母養

法有數故名眾數八人於名色陰入界等法中妄計我從生已來為父母養

九作者於名色陰入界等法中妄計我從生已來為父母養

入界等法中妄計我有身力
十使作者於名陰
入界等法中妄計我
十一一起者於名陰
能役他故名起者
十二一起者於名陰
計我能造後世罪
十三受者於名陰
計我當後身受者
十四使受者於名陰
福果報故名受者
十五知者於名陰

計我當今他受者
十六見者於名陰
五塵故名知者
十七見者於名陰
根故能見一切色亦計我能
起邪見我起正見名見者

見愛二煩惱初門第六一見煩惱
次名色陰入界及我等十六而辨見愛者若

迷此假實二法則倒想紛然故三界流轉無
際皆是煩惱使之然也若論煩惱根本不出
見愛枝派分別則科目甚多所謂三毒五蓋
十使九十八煩惱八萬四千乃至塵沙等數
此諸科目雖數有多少而同是煩惱潤生之

力體無殊別但教門善巧乃約增減之數而
制立之故瓔珞經云見著三法迷法界色心
廣起一切三界煩惱通名煩惱者煩以喧煩
為義惱以逼亂為義能喧煩之法逼亂行者
心神致使真明不得開發故名煩惱也

一見煩惱邪心觀理名之為見若於假實之
執為實通名為見煩惱者謂五利使二愛
見諦所斷八十八使及六十二見等也
煩惱貪染之心名為煩惱者謂五利使二愛
為愛愛煩惱者謂五利使二愛
十使及所斷結流愛五利使二愛
三毒初門第七一貪二瞋三癡

次見愛而辨三毒者此二科既有合離之異
事須分別若合但取癡一分為見餘一分及
貪恚並合為愛也若離則見愛之中各有三
毒如此歷三界五行則離出九十八使一切
煩惱通名毒者毒以沉毒為義惱壞之甚故

云沉毒以其能壞出世善心故名為毒也

一貪毒引取之心名為貪若以迷心對一

三界五行十五貪使並是貪毒但二瞋毒上二界煩惱既薄故別受愛名二瞋毒便起忿怒即是瞋毒瞋毒瞋毒數人三癡毒迷惑之心名為癡三癡毒迷惑之心名為癡

事理之法無明不了迷惑妄取起諸邪行即是癡毒亦名無明無明有二種一者相應無明即是不相應無明即是三界五行下十五癡也

五蓋初門第八一貪欲蓋二瞋恚蓋三睡

次三毒而辨五蓋者若論三毒之體豈異五

蓋但科目不同名字增減有異故次分別所

以然者若沒癡毒之名而離癡法為睡眠掉

悔疑三蓋足貪瞋為五蓋也若開五蓋則煩

惱無量通名蓋者蓋以覆蓋為義能覆蓋行

者清淨善心不得開發故名為蓋而此五蓋

既的為在下所明諸禪正郭故須略辨其相

一貪欲蓋具引取心無厭足為貪欲分別體相

貪使即是二瞋恚蓋貪欲蓋二瞋恚蓋別體相具如前說貪欲蓋二瞋恚蓋貪欲蓋二瞋恚蓋別體相具如前說

斷法猶屬見思所四掉悔蓋若縱無明謬取則戲論動掉心是增心數法正屬見

十使初門第九五鈍使無一貪使二瞋使三

疑五利使一身見使二邊見使

次五蓋而辨十使者豈有十使異於五蓋若

教門但為修定者說略立三毒五蓋之數若

為修慧者說欲使明識所斷之惑無謬故須分別為十使也所以然者貪瞋二蓋即是貪瞋二使睡蓋之本即是癡使離癡出慢即為慢使疑蓋即疑使也是為五鈍使掉悔即是邪思掉動之心若細分別其相則有五利五鈍使之別而此推之還是五蓋分別為十使也若開十使則出一切煩惱此十通名使者使以驅役為義能驅役行者心神流轉三界故通受使名亦名十煩惱煩惱義如前說一貪欲使引取無厭名曰貪欲分別其相具如貪毒中說見思所斷三界五行中十五貪二瞋恚使忿怒之心名之曰瞋分皆思所斷欲界五行三無明使迷惑不了之見思所斷三界五行若以迷心緣境隨有所起則念念永失而不知慙愧者皆是癡也見思所斷三界五行下十五癡即四慢使恃種姓富貴有德才能輕蔑於他即是慢也慢有八種在下別出乃至見思所斷三界五行下十五慢皆是慢使也

五疑使迷心乖理猶預不決曰疑分別其相具如疑蓋中說三界四行十二種疑並是疑六身見使若身於名色陰入界中安計使也不丁則於五陰中起二十種身見則身見有二十種見諦所斷一行中歷三界有則身見也七邊見使執邊之心名為邊見若於四邊妄語如其所見互執一見一邊為實餘邊悉為五陰即有六十二見並是見諦所斷合六十一見同是一邊見攝也又約見諦八邪見使邪心取理故名邪見若無明不了四諦因果邪心推獲謂無此理因斷滅出世間善根乃至世間善根作關提行是為邪見見諦九見取使於非真勝法中謬見涅槃生心而取故真明未發無明不了便謬計所得以為真為勝生心取著皆名見取也見諦所斷三界四行有十二十戒取使以非戒中謬以為戒取雞狗牛戒乃至九十五種外道所行之戒以為真戒皆名戒取若人雖持佛戒見有戒相亦是戒取見諦所斷三界二行有六種戒取是也九十八使初門第十十八使欲界有二十八使色界有三

使無色界有三使

次十使而辨九十八使者正為見思兩道惑
鄣不同欲使修觀之者精識所治之惑斷伏
無濫故教門歷三界五行細分別十使則有
九十八也亦名九十八煩惱通名為使名煩
惱者類如前釋若離九十八使則出一切煩
惱今依數人明九十八使也若成實論人所
解則異也

見諦惑欲界三十二使苦諦下有十使集
邊見戒取滅諦下有七使亦除身見邊見戒
取道諦下有八使但除身見邊見故欲界四
行下合有見諦惑色界二十八使苦諦下有
三十二使見諦除瞋及除身見邊見戒取滅
諦下有六使亦除瞋及身見邊見戒取道諦
下有七使亦除瞋及身見邊見見諦惑無
故色界四行下合有二十八使也
色界二十八使若滅諦下有九使集諦下有六
七使若取若除皆如色界中分別故無色界
四行下合二十八使合三界四諦下有八十
六

八使並是能鄣見諦之惑為須陀洹見道之
所斷也分別使相畧說並如前十使章門辨
也

思惟惑欲界四使一貪使二瞋使
三癡使四慢使

此使從斯陀舍向入修道斷乃至阿那舍果
九品方盡

思惟惑色界三使一貪使二癡
使三慢使

此三使並是阿羅漢向用修道智斷也

思惟惑無色界三使一貪使二癡
使三慢使

故三界思惟惑合有十使足前見諦合為九
十八使但此三使亦是阿羅漢向斷至果方

盡也

次此應廣出諸煩惱科目所謂三漏四流四
縛八邪八倒九結九惱十纏乃至五百煩惱
八萬四千諸塵勞門及恒沙等數煩惱皆從
見愛九十八使離合而辨若具出科目云今

略出數科足以顯教門明煩惱離合惑鄣潤生之法諸煩惱科目至第六卷中別當更隨要而出

十惡初門第十一 身有三惡

一殺生二偷盜三邪淫

口有四惡

一妄語二兩舌三惡口四綺語意有

振六三惡

一貪欲二瞋恚三邪見

次諸煩惱結使而辨十惡者以煩惱既是惑亂之法能驅役行者心神乃令觸境顛倒若縱此惑情而起身口意者則動與理乖故於三業所起備有十惡也通名惡者惡以乖理為義此十並是乖理而起故名為惡亦名十不善道以其能通苦報故非善道也

一殺生

斷一切眾生命故名殺生二偷盜

盜取他財物故名偷盜

三邪淫

於非妻妾而行故名邪淫四妄語

以言誑他故名妄語五

兩舌

構間之言間他令致得名兩舌六惡口

惡言加彼令他受惱

名為七綺語 綺例語辭言乖 惡口 無厭足 九瞋恚 若對違境心生 十邪見 正

次此應出四重五逆七逆謗方等經用僧鬘物作闡提行十六惡律儀等諸輕重惡業科目皆從十惡中離合分別而說者今欲論諸

入道要門具出云云至後第六卷中別當更出

十善初門第十二 身三種善

一不殺生二不偷盜三不邪淫

口四種善 一不妄語二不兩舌三不惡口四不綺語

意三種善 一不貪欲二不瞋恚三不邪見

次十惡而辨十善者若人能知惡是乖理之行故現在將來由斯招苦則必須息惡行善可以來世永致清升之樂果是以次十惡而明十善也但十善有二種一止二行止則但止前惡不惱於他行則修行勝德利安一切

此二通稱善者善以順理為義息倒歸真故云順理止則息於重倒之惡行則漸歸勝道之善故止行二種皆名為善或加以道名以能通至樂果也

一不殺生

即是止善止前殺生之惡也

二不偷

盜

即是止善止前盜他財物之惡也

三不邪淫

即是止善止前於非妻妾姪欲之惡也

四不妄語

即是止善止前虛言詭他之惡也

五不兩舌

即是止善止前兩邊之惡行實語之善也

六不惡口

即是止善止前兩邊之惡行實語之善也

七不綺語

即是止善止前綺語之善也

八不貪欲

即是止善止前引取饒益之善也

九不瞋恚

即是止善止前忿怒欺誑不淨之觀諸六塵皆

十不邪見

即是止善止前撥之惡行善者當行正信歸

三歸戒初門第十三

法一歸佛二歸僧

三歸依法

若教若理可為心軌故言法也

次十善而辨三歸者如來未興於世爾時已有十善之化是為世間舊善豈有三寶之可歸大聖初成正覺方因提謂長者開授三歸之戒翻邪歸正以為入聖之根本三乘行者歸宗進行此為初首也三歸之用正破三邪濟三塗接三乘出三有佛法以此三歸為本通發一切戒品及諸出世善法豈同十善之舊法耶問曰十二門禪亦是舊法今何故不三歸前說答曰若依說教時節實如所問但今欲次論修行戒定之次則不得爾今次三歸之下備出諸戒科目並同此意

一歸依佛佛陀秦言覺者自覺覺他故名正師故名歸依者憑也憑心靈覺得出三塗及三界生死也故經云歸依於佛者終不更歸依其餘諸外天神也

二歸依法若教若理可為心軌故言法也

者及邪法還修正法故名歸依者憑佛所說法得出三塗及三界生死故經云歸依於法者永離於殺害

三歸依僧行者心與佛所說事理法合故名三乘為僧正行之伴故名歸依者憑心出家三乘依於僧者永不復更歸依其餘諸外道也

五戒初門第十四一不殺生戒二不偷盜戒三不邪淫戒四不妄語戒五不飲酒戒

次三歸而辨五戒者大智度論云念佛如醫王念法如服藥念僧如瞻病人念戒如藥禁忌今所以次三歸而明諸戒品意在此也故

佛為提謂等在家弟子受三歸已即授五戒為優婆塞若在家佛弟子破此五戒則非清信士女故經云五戒者天下大禁忌若犯五戒在天則違五星在地則違五嶽在方則違五帝在身則違五藏如是等世間違犯無量

若約出世犯五戒者則破五分法身一切佛法所以者何五戒是一切大小乘尸羅根本若犯五戒則不得更受大小乘戒也若能堅持即是五大施也此五通名戒者以防止為義能防惡律儀無作之非止三業所起之惡

故名防止

一不殺生戒云何名殺生若實知是眾生發心欲殺而奪其命起身業有作

盜戒云何名盜打等是殺方便非正罪二不偷

盜戒云何名盜打等是殺方便非正罪三不邪淫戒云何名邪淫若男女人為父母兄弟姊妹夫主兒子

世間法王法守護若出家戒護乃至自婦受一日戒法若若有姦乳兒及非道處如是犯者名為邪淫若不作是事名不邪淫戒其餘

言戲以物相要乃至捉手觸身未四不妄語

戒云何名妄語不淨心欲誑他隱覆實事出

妄語戒云何名妄語不淨心欲誑他隱覆實事出

解雖不實語皆是妄語方便不謂正罪

五

不飲酒戒

云何名酒酒有三種一者穀酒二者果酒三者藥酒若乾若溼若濁若清如是等能令人心動放逸起三十六失若不飲者是名不飲酒戒也

次此應明在家優婆塞優婆夷一日一夜八

戒出家沙彌沙彌尼十戒式又摩那尼六法

戒比丘比丘尼十種得戒五篇七聚相乃至

菩薩十重四十八輕戒及三千威儀八萬律

儀是中皆應次第略出科目辨大聖從羸至

細制戒之意事轉繁多具列云云今欲且逐要

出諸禪定智慧法門科目次第此諸戒中事

數至下第六卷別更隨要者出之

四禪初門第十五

一初禪二二禪三三禪四四禪

今次諸戒品而辨四禪者上所明戒相雖復

羸細有殊終是同防欲界身口外惡既未除

細亂豈能超出欲界之境若自尸羅皎潔志

在禪門專修五法五法在下別出科目則色界清淨四

根六

十五

大自現身中緣是以次第獲得根本四禪種

種勝妙支林功德爾乃因超欲網果居色界

通名禪者禪是西土之音此翻棄惡能棄欲

界五蓋等一切諸惡故云棄惡或翻功德叢

林或翻思惟修今不具釋而言根本者以無

量心背捨勝處一切處神通變化及無漏觀

慧等種種諸禪三昧悉從四禪中出故稱根

本

初禪有五支

一覺支二觀支三喜支四樂支五一心支

一覺支

初禪心在緣名為覺行者依未到地發初禪色界清淨色法觸欲界身根心

大驚悟爾時即生身識覺此色二觀支細心

名爲觀行者既證初禪功德即細心分別

此禪定中色法諸妙功德境界分明無諸蓋

覆如是等功德觀支三喜支欣慶之心名之

之所未是有故名觀支三喜支欣慶之心名之

禪時乃有喜生但分別未了故喜心未成若

觀心分別所捨欲界之樂甚少今獲得初禪

利益甚多如是思惟已四樂支怡悅之心名

則歡喜無量故名喜支四樂支怡悅之心名

初禪時乃即有樂但分別喜動踊心息則恬然靜慮受於樂觸怡悅之安快故名樂支

五一心支證禪時乃即著定而心猶依覺觀

喜樂之法故有細微之散若受喜

樂心自然與定法一故名一心支

二禪有四支
三樂支
四一心支
一淨支
二喜支

一內淨支欲心離初禪時種種訶責覺觀覺觀

應既減爾明淨故名內淨支也。相二喜支欣慶之心

名之爲喜行者初得內淨時即與喜俱發而喜心未成次心自慶得免覺觀之患獲得勝

定內淨之喜歡喜
無量故名爲喜支
三樂支
樂行喜踊之情
怡悅之心名之爲

喜既息則悅然靜慮受於內淨四一心支定心與

一謂之心行樂心息則心
一定澄不動故名爲一心支
與一定澄不動故名爲一心

三禪有五支一捨支二念支三慧

一捨支詩離喜不悔此心名捨行者欲離二禪

禪即發若證三禪之樂則捨二禪之喜不生

界第一能生心著心
 二念支念名愛念行者
 三

樂從內起應須愛念將息則樂得增長乃三

至徯身女慈母念子愛念將養故名念支三

第一一六冊 法界次第初門

慧支樂解知之心慧行者既發三禪之樂此
 慧則不能方便長四樂支樂行者發三禪樂
 養此樂得徧身念慧將護此樂既無過則
 已若能善用捨念慧安快三禪之樂三禪
 增長徧身怡悅受樂安快三禪之樂三禪
 最樂若離三禪餘地五一心支名曰一心行
 更無徧身之樂也
 者受樂心息則心自與定
 法一澄淨不動名一心支
 四禪四支一不苦不樂支中庸之心不苦不樂行者欲
 一不苦不樂支離三禪時種種因緣訶責於
 樂樂既謝滅則不動之苦不樂也二捨支離樂
 俱發故內心湛然不苦不樂也
 此心名捨行者既得第四禪不動真定則捨
 三禪難捨之樂不生悔心故名捨支亦云證
 四禪不動定時不應取定起動念三念清淨
 心若心行捨則無動念之非也

支念者愛念也行者既得四禪真定當念下

入勝品故名爲念亦云是四禪中四一心支

心有不動
與法一
正念分
明行者
既得四
禪捨俱

之定捨念將息則心無所住湛然寂一
在定猶如明鏡不動淨水無波湛然而照

像皆現何故此四禪中獨名不動定也初禪覺觀動二禪喜所動三禪樂所動是四禪中

先離憂喜今復除苦樂故名真定也三界

七三七 札

2

●

Table 1 Demographic characteristics of study population

1000

—

100

000000 000 0 0

1

定無復過此若三乘行人善巧照了分明則因此定發真無漏有漏外道無慧方便入此定時不壞身色直滅其心入無想定謂為涅槃是為邪倒非涅槃也從初禪而四禪有十八法皆名支者支派也從四禪中分派出十八功德故名支也

四無量心初門第十六量心三喜無量心四

捨無量心

十七

次四禪而辨四無量心者四禪但是自證禪定功德而未有利他之功故樂大功德者當憐愍一切眾生修慈悲喜捨四無量定此四通名無量心者從境以得名以所緣眾生無量故能緣之心亦隨境無量故悉受量心名

一慈無量心

能與他樂之心名之為慈若行

心數法中生定名為慈定是慈相應心無瞋無恨無怨無惱善修得解廣大無量徧滿十方名慈
二悲無量心悲能拔他苦之心名之為悲若行者於禪定中念受苦眾生令得解脫時心數法中生定名為悲定是悲相應心無瞋無恨無怨無惱善修得解廣大無量徧滿十方是為悲無量心也
三喜無量心慶他得

悅心名之為喜若行者於禪定中念眾生今離苦得樂歡喜時心數法中生定名為喜定是喜相應心無瞋無恨無怨無惱善修得解廣大無量徧滿十方是為喜無量心
四捨無量心捨若緣於他無憎無愛之心名之為捨無憎無愛如證涅槃寂然清淨如是念時心數法中生定名為捨定是捨相應心無瞋無恨無怨無惱善修得解廣大無量徧滿十方是為捨無量心

四空定初門第十七一虛空處定二識處定三無所有處定四非有

想非無想處定

次無量心而辨四空處定者四無量心中雖有大功德而未免形質之患累若行人厭色如牢獄者則心心樂欲出離色籠故次無量以明四空處定通言空者此四定體無形色故名為空各依所證之境為處境法持心心無分散故名定也

一空處定若滅三種色綠空而入定者名空處定行者厭患色如牢獄心欲出離即修觀智破於色故過一切色相滅有對相不念種種相入無邊虛空處心與虛空之

法相應是為二識處定若捨空緣識而入定
虛空處定者名識處定行者厭
虛空轉心緣識心與識法相應名破於定捨
三無所有處定入定者名無所有處定行者
厭患於識三世之識無邊緣多則散能破於定捨
定故捨緣識轉心依無所有法心與無所有
法相應名為無所有處定云捨多四
識取少識緣之入定名無所有處定也
非有想非無想定振六
非有想非無想定若捨二邊之想而入定者
厭患無所有處想如癡有想處如癡如癡更
有定名非有想非無想處即捨無所有處緣
念非有想非無想之法心與非有想非無想
應是為非有想非無想處定亦云凡夫外道
得此定謂證涅槃斷一切想故言非有想非
第子如實知有細想依四衆而住故云非無
想得失合而立名故云非有想非無想
處定畧明三界十二門禪極在於此也

六妙門初門第十八一數二隨三止
四觀五還六淨

次四空定而辨六妙門者前來所明禪定雖
復深遠而並是世間舊法從初至後厭下攀
上地地之中都未有觀慧照了出世方便故
凡夫外道修得此十二門禪不能發真悟道

是以生死無絕意在此也今之六法前三是
定後三是慧定愛慧察能發真明出離生死
豈同上也此六通言妙門者涅槃為妙門謂
能通六法次第相通能至真妙泥洹故云妙
門一家所明有十種六妙門今但略出次第
相生一科六門以為次者此六門既是亦有
漏亦無漏禪於餘亦有漏亦無漏禪中淺而
且局故以為次也

一數息門攝心在息從一至十名為數行
欲界五塵散難攝靜非數不治故須善調身息從
一至十則難攝靜非數不治故須善調身息從
要故以數息二隨息門細心依息知入出
為妙門也數息二隨息門故曰為隨行者雖因
念息失故須放定未發若猶存數則心有起
出時知出長短放定未發若猶存數則心有起
明淨因是則諸禪自發故以隨息為門也三止
門息心靜慮名為止若心依隨則微有起想
之亂澄淨安隱莫若於止故捨隨則微有起想
多用凝心止也凝心寂慮心無波動則諸禪

定以自然開發四觀門行者雖因止證諸禪定
故須解慧未發若住定則有無明味著之非
念及我若等六心分見顛倒既無虛誑破四顯
此開發門五還門雖修觀照而真明未發若
計有我能觀於外道故云是諸外道計著觀空
觀而慧不得解脫若覺此虛誑無實轉心反照能
觀之心若知能觀之心虛誑無實轉心反照能
便之自然朗故以還門六淨門妄波不起
名之為淨行者修還之時雖能破觀之倒智
真明未發而住無能所即是受念故令此真
纖濁發即斷三界結使證三乘道故云其清
淨得一心者則萬邪滅矣以淨為門意在此也

十六特勝初門第十九

偏身五除諸身行六受喜七受
樂八受諸心九心作喜十心
作攝十一心散解脫十二觀
常十三觀出散十四觀離欲十
五觀減十
六觀棄捨

次六妙門而辨十六特勝者此二種禪定大

意雖同而六妙門一往豎淺橫廣十六特勝
則豎長橫局長則位遠難窮次後而明也皆
稱特勝者解釋別有因緣事具出云但此禪
始從調心終至非想地地皆有觀照能發無
漏而無厭惡自害之失故受特勝之名諸師
多以此十六對四念處觀若作此釋則進退
約位但與六妙門齊分別二種對特勝之相
豎橫不同畧如下辨適取意用之

一知息入修習特勝之初正依隨息故以知
所以然者數息則聞心而數故觀慧不調今
知息入則照息分則明故解慧易發是以用知
息入為調心法也若將十六特勝身念處觀
息者從知息入去有五特勝並屬身念處觀
二知息出初修特勝者當以此知息出代數息
處猶屬身三知息長短修特勝者藉觀以調
念處觀也三知息長短修特勝者藉觀以調
漸明若得羣住細住及欲界定中暗觀了
即便覺息入出長短之相也若對念處觀
觀身念處四知息徧身修特勝者從欲界定證
觀也

未到地定時即覺身如無定法悉皆虛假息之
入出徧身微細如對五除諸身行從未到地者
念處猶屬心身念處也對五除諸身行從未到地者
欲入初禪時常應觀明此若發初禪覺觀
之法則身心豁然開朗如明眼人開倉即自
無了見倉中所有分別所證境界皆虛假空
顯人所起念業皆悉壞滅故云除諸六受喜
身行若對念處齊此猶屬身念處觀六受喜
修特勝者因是常與觀慧相應故云證初禪喜支
即從受念有三特勝七受樂修特勝者既常與
並得樂支時即能覺了便於樂支不若初
禪無所受而受樂觸故云受樂修特勝者既常與
屬受念八受諸心行相扶若證初禪一心支
正受故示受諸心行不起顛倒於此中獲得
念也九心作喜修特勝者離初禪入二禪時
觀喜則真喜從觀慧而生故名心作喜二禪內
淨念處修此有三特勝並屬心念處觀也十
心作攝即修特勝者一因是觀慧得不起故云心
作攝也若對念處十一心作解脫修特勝者
猶屬心念處觀是故若發三禪即能離二禪入
得妙樂心不耽著無累自在故云心作解脫雖

探六

二十一

若對念處齊此十二觀無常禪修特勝者離三
修觀心識是故若發四禪不動定時即自觀連
定中心處從此有五特念生滅故云觀無常若
對念處法從念處觀觀智內外照了是故若證空
勝皆屬法念處觀觀智內外照了是故若證空
虛空時即知能離色界緣空之識自在逍散
出而散若對念處猶屬法念處觀觀智內外照了
修特勝者離虛空處定入識處時常以觀慧
內自推檢欲離虛空處定入識處時常以觀慧
處定即能離欲離虛空處定入識處時常以觀慧
故云觀離欲若對念處猶屬法念處觀觀智內外照了
五觀滅修特勝者對念處猶屬法念處觀觀智內外照了
無所有處定即自觀滅若對念處猶屬法念處觀觀智內外照了
觀十六觀棄捨修特勝者對念處猶屬法念處觀觀智內外照了
察所修之法能修之心是故若發非想定時
即觀照分明知非想定之心是故若發非想定時
四眾和合而有虛誑不實非是淫繁安樂真
法則心不愛著特勝者若於地修觀照
緣會地即於地中顛倒不起心不塗著隨其因
特勝會地即於地中顛倒不起心不塗著隨其因
令知地言少則意難見禪四空證定細心往雖
有別也觀慧之中與根本禪四空證定細心往雖

今此所述通明禪支並出大集經文是中未
有一句私解讀者自具尋思

第一一六冊 法界次第初門

一五・二四八三

法界次第初門卷上

音釋

顛語豈邏魯可析先的扼乙昏呼昆
也不明渟唐丁切切切切切切切切切切

七四三

14

藏

法界次第初門卷中

振七

陳隋國師智者大師撰

九想初門第二十一

八念初門第二十二

十想初門第二十三

振七

八背捨初門第二十四

八勝處初門第二十五

十一切處初門第二十六

十四變化初門第二十七

六神通初門第二十八

九次第定初門第二十九

三三昧初門第三十

師子奮迅三昧初門第三十

超越三昧初門第三十二

四諦初門第三十三

十六行初門第三十四

生法二空初門第三十五

三十七品初門第三十六

三解脫初門第三十七

三無漏根初門第三十八

十一智初門第三十九

十二因緣初門第四十

九想初門第二十一

一脹想二青瘀想三壞想四血塗漫想五膿爛

想六噉想七散想八骨想九燒想

次通明禪而辯九想者上所明禪雖有定慧

但是實觀未有得解之觀則對治力弱從九

想已去所明禪定悉有得解之觀於對治重

煩惱病中力用爲強如伐堅樹若用輦斧斷

之不斷應更取強斧九想既是得解觀之初

故次而辯之此九通名想者能轉心轉想故

名為想所謂能轉不淨顛倒想故此九法皆

言想也

一脹想若觀人死屍腫脹如車囊二青瘀想若觀死屍皮肉黃赤瘀

黑青點是為青瘀想三壞想吹日曝死屍風

裂壞在地是為青瘀想四血塗漫想若觀死屍處處膿血

是為壞想五膿爛想若觀死屍膿爛流出皮肉壞

血塗漫六敢想若觀死屍蟲蛆咬食鳥挑其眼七散

想若觀死屍狗咬死屍虎狼噬食鳥挑其眼七散

想若觀死屍狗咬死屍虎狼噬食鳥挑其眼七散

死屍皮肉已盡但見白骨筋連或九燒想若觀死屍

分屍狼藉如焚燬裂煙臭薪盡形滅同

八念初門第二十二一念佛二念法三念僧

息八念入出四念戒五念捨六念天

次九想而辯八念者為除恐怖也若修九想

時思惟死屍可惡因此驚怖歡然毛豎及為

惡魔惱亂憂懼轉增若存心八念恐怖即除

故以為次也通言念者內心存憶之異名也

專心存憶八種功德故名八念非但能除

世間驚怖若能善修亦除世間三界生死一

切難也

一念佛若遭恐怖及眾難之時應當念佛

陀神德無量如是念二念法若時有恐怖難

已法巧出得今世果無礙是為念三念僧念

佛能到善處通達無礙是為念三念僧念

者僧是佛弟子眾具足五分法身中有四雙

八輩二乘得果受供養禮事世間無上福

田是為四念戒住處是戒能遮諸惡安隱

念僧也四念戒住處是戒能遮諸惡安隱

儀戒定共戒道共戒律儀能除身口諸惡定

共能遮煩惱惡道共戒律儀能除身口諸惡定

是為五念捨念捨者有二種一者捨捨二

德捨煩惱捨捨因得智六念天念天者謂四

他化自在天有念捨也六念天念天者謂四

淨天四生淨天如是等果報清淨利安一切

是為七念阿念阿明出阿那息也如是念時能除

心亂入於正道何沉世間八念死二種死一

者自死二者他因緣死是二種死
常隨此身無可避處是為念死

十想初門第二十三 一我無常想二苦想三無
間不可樂想四食不淨想五世
想八斷想九離想十盡想

次八念而辯十想者大智度論云九想如縛
賊十想如殺賊若爾即應次前九想而明但

為修九想時有恐怖等鄣故須說八念既得

離諸恐怖則心安無鄣故次說十想也通言

想者能轉心轉想也能轉計常樂等諸顛倒

等想故名為想前三想為斷見諦惑說中四

想為斷思惟惑說後三想為修無學道者說

是以壞法之人修此十想能斷三界結使證

無漏之聖果也

一無常想 觀一切有為法無常智慧相應想
名無常想一切有為法有二種一

者衆生二者國土是二二苦想 觀一切有為
皆新新生滅故無常也

應想名苦想若有為法無常者即是苦三無
常為三苦八苦之所遷通故名苦也

我想觀一切法等無我智慧相應想名無我
在故亦以苦從緣生無有自四食不淨想觀

性無自性中我不可得也食不淨想世間飲

飲食不淨智慧相應想名食不淨想世間飲

生酥酪等皆不淨因緣故有如肉從精血水道中

觀之不可樂是不淨也五世間不可樂想觀一

有二種世間一者衆生二者國土有過惡無

可樂六死想一期果報常為二種死之所逐若

者則出息不七不淨想觀自他身不淨智慧

報入息也七不淨想觀自他身不淨智慧

若觀此身內有三十六物外則九八斷想觀

孔惡露常流從生至終無一淨也八斷想觀

繁離生死智慧相應想名爲斷想行者思惟

若涅槃清淨無煩惱者當斷結使證涅槃也

九離想想觀行者思惟若涅槃清淨離生死者

當離生死十盡想觀涅槃結使及生死盡智

證涅槃也十盡想觀涅槃結使及生死盡智

思惟若涅槃清淨結使及生死盡智

未盡結使及生死業證涅槃也

八背捨初門第二十四 一內有色相外觀色
捨五識處背捨身作證四虛空處處背
捨七非有想非無想
背捨八滅受想皆捨

次十想而辯八背捨者前九想十想既是壞法對治觀門則橫局而豎短對治定觀諸禪皆未具足若證聖果則無三明八解脫等諸大功德也今欲具明一切無漏對治觀練熏修禪定故次而辯之若修此觀練諸禪定證聖果時則成大力羅漢具足六通三明及八解脫願智頂禪無諍三昧等諸功德也此八通名背捨者大智度論云背是淨潔五欲捨是著心故名背捨若發真無漏慧斷三界結業盡即名解脫也

一內有色相外觀色內有色相者不壞內色者不壞外色不滅外色相以是不淨心觀外色所以然者為修流光故不應初背捨中壞滅內身骨人也欲界結使難斷故須以不淨心觀外色也此初背捨位在初禪能捨自他及下地故二內無色相外觀色內無色相者名背捨二內無色相外觀色內無色相者色相也外觀色者不壞外色不滅外色相以是不淨心觀外色所以然者行者為入二禪

內淨故壞滅內骨人欲界結使三淨背捨身難斷故猶觀外不淨之相也作證於定中練淨八色光明清淨皎潔猶如妙實之色故名練淨身作證者以無受著四虛心而受三禪中偏身樂故名身作證也四虛空處背捨處若減根本四禪色及三背捨四勝空而入定即觀此一切處中色一緣無邊虛空無我虛誑不實心生默背而不受著深入一向不迴是為五識處背捨若捨虛空一心虛空處背捨入界故有無常苦空無我虛誑不實心生默背而不受著深入一向不迴是為六無所有處背捨若捨識一心緣無處背捨六無所有處背捨若捨識一心緣無實心生默背而不受著深入一向不迴是為七非有想非無想背捨若捨無所背捨也七非有想非無想背捨若捨無所背捨也

八勝處初門第二十五 一內有色相外觀色少若好若醜是名勝

知勝見二內有色相外觀色多
若好若醜是名勝知勝見三內
無色相外觀色少亦爾四內無
色相外觀色多亦爾五青勝處
六黃勝處七赤勝處八白勝處

次八背捨而辯八勝處者背捨雖能有背捨
淨潔五欲之用既是初觀於緣中轉變未得
自在隨心若欲得觀心純熟轉變自在必須
進修勝處觀也故次而明之故大智度論作
譬云如人乘馬能破前陣亦能自制其馬故
名勝處也亦名八除入

一內有色相外觀色少若好若醜是名勝知

勝見內有色相外觀色少初背捨而言少者
緣觀多畏難攝轉變不得隨心若觀少好醜
法中不淨轉變自在通達無礙心無取捨不
起愛憎是名二內有色相外觀色多若好若
醜是名勝知勝見內有色相外觀色如初背
捨而言多者觀多因緣故
名多觀心既調則觀多無妨故言多若於多
好醜不淨境中轉變自在通達無礙心無取
捨七

捨不起愛憎是三內無色相外觀色少若好
若醜是名勝知勝見內無色相外觀色少若好
若醜是名勝知勝見四內無色相外觀色多若好若醜是
名勝知勝見內無色相外觀色多若好若醜是
五青勝處若觀青色轉變自在少能多能
亦不起法愛是六黃勝處類如青勝七赤勝
處類如青勝八白勝處類如青勝
依大智度論也若璣珞經
中則以四大為四勝處也

十一一切處初門第二十六一切處一青一切處二黃
處四白一切處五地一切處六
水一切處七火一切處八風一
切處九空一切處
處十識一切處

次八勝處而辯十一一切處者勝處雖能少觀
中轉變自在而未普徧今十一一切處所觀普
徧是以次而明之故大智度論云背捨為初
門勝處為中行一切處為成就也三種觀足

即是觀禪體成就通稱一切處者皆從所觀境徧滿得名也亦名十一切入

一青一切處還取前背捨勝處中少青也二黃

一切處還取前背捨勝處中少黃也三赤一切

處還取前背捨勝處中少赤也四白一切處還取

前背捨勝處中少白也五地一切處還取前背捨勝處中

少地色使一切處皆白也六水一切處還取前背捨勝處中

處皆水七火一切處還取前背捨勝處中少火也

也八風一切處還取前背捨勝處中少風也九空

一切處還取前背捨勝處中少空也十識一切處還取

前識處皆捨使一切處皆有識也

十四變化初門第二十七初禪二變化二禪三變化三禪四變化

五變化合十四變化

次十一切處而辯十四變化者上所明觀禪

正體雖備猶未辯其功用今欲學六通之用

必須先修變化心也通言變化者能使無而歛有有而歛無故名爲變化也

一初禪二變化一初禪初禪化能變化自地也二初禪欲界化能變化自地

欲界一禪三變化一初禪初禪化能變化自地也二初禪欲界化能變化自地

地下一初禪地也三二禪欲界化能變化自地也三二禪初禪化能變化自地

界化能變化下欲界地也三禪四變化一初禪初禪化能變化自地也二初禪欲界化能變化自地

禪化能變化自地也二禪初禪化能變化自地也三禪初禪化能變化自地也四禪初禪化能變化自地

地也四禪欲界化能變化自地也四禪初禪化能變化自地也四禪初禪化能變化自地也四禪初禪化能變化自地

能變化下欲界地也四禪五變化一初禪初禪化能變化自地也二初禪欲界化能變化自地

化自地也二禪四禪三禪化能變化自地也二禪初禪化能變化自地也二禪初禪化能變化自地

也三禪二禪化能變化自地也二禪初禪化能變化自地也二禪初禪化能變化自地也二禪初禪化能變化自地

禪初禪化能變化自地也二禪初禪化能變化自地也二禪初禪化能變化自地也二禪初禪化能變化自地

四禪欲界化能變化自地也二禪初禪化能變化自地也二禪初禪化能變化自地也二禪初禪化能變化自地

六神通初門第二十八一天眼通二天耳通三知他心通四宿命通五身如意通六漏盡通

次變化而辯六神通者此有二意不同若依

報得神通得神通方能變化若是修得神通則先修變化方得神通今此既約修得次第故次變化而辯神通此皆名通者瓔珞經云

神名天心通名慧性天然之慧徹照無礙故
名神通

一天眼通修天眼者若於深禪定中發得色

見六道眾生此生彼及見一修

切世間種種形色是為天眼通二天耳通

耳者若於深禪定中發得色界四大清淨造天

色住耳根中即能聞六道眾生語言及世間

種種音聲是三知他心通修他心智者若於

為天耳通三知他心通

智即能知六道眾生心及數法四宿命通

種種所緣念事是為他心通四宿命通

命通者若於深禪定中發得宿命智即能知自

過去一世二世百千萬世乃至八萬大劫宿

命及所行之事亦能知六道眾生所五身如

有宿命及所作之事是為宿命智也五身如

意通修身通者若飛行速到山郭無礙二通

轉變自身他身及世間所有六漏盡通

隨心自在是為身如意通六漏盡通

者若於深禪定中發見思真智六漏盡通

則三漏永盡是為漏盡神通也六漏盡通

九次第定初門第二十九初禪二禪三

次六通而辯九次第定者上所明禪雖體用

具足而並是觀禪未明練熟調柔之相今欲
修練觀禪體用令純熟入體及起時心無間
念故次明也通言次第定者若入禪時深心
智慧深利能從一禪入一禪心心相續無異
念間雜故名次第定也

初禪次第定離諸欲惡不善法有覺有觀離

定觀均齊自識其心初禪定是為初禪二

利那雜念間入初禪定是為初禪二

禪次第定觀均齊自識其心初禪定是為初禪

無有剎那雜念間入二禪定是為二禪三

禪定是為二禪三

明禪中四禪次第定意亦類如初五虛空處次

第定意亦類如初六識處次第定

中七無所有處次第定意亦類如初八非有

想非無想處次第定意亦類如初九滅受想

次第定若從非有想非無想入滅受想定時

次第定於是定前自識其心要期心利心心

受想定是為滅受想定次第定也

昧觀
三

云云

所

所以者何九次第定通練諸

是直

故故名三昧

覺有

觀渾皆悉正直故名無覺有

也。

師

查

迅速

入禪舊迅自二舊立之三善法有覺有觀入初禪如是次

第入二禪三禪四禪空處識處無所有處非
有想非無想處滅受想定是為奮迅入也
二出禪奮迅還入非有想非無想處非有想
無想起還入無所有處如識處空處四
三二禪初禪乃至出散心中是為奮迅出
超越三昧初門第三十二二超入
次師子奮迅而辯超越者大品經佛自誠言

菩薩依師子奮迅三昧入超越三昧所以名

超越者能超過諸地自在入出故名超越

一超入三昧

善云何名越入三昧離諸欲惡不

禪從初禪起入滅受想定滅受想定起入
非無想處起入滅受想定滅受想定起入
初禪從初禪起入滅受想定滅受想定起入
二禪從初禪起入滅受想定滅受想定起入

四禪起入滅受想定滅受想定起入四禪
處起入滅受想定滅受想定起入四禪
處起入滅受想定滅受想定起入四禪

處起入滅受想定滅受想定起入四禪
處起入滅受想定滅受想定起入四禪
處起入滅受想定滅受想定起入四禪

無想非有想非無想處起入四禪
無想非有想非無想處起入四禪
無想非有想非無想處起入四禪

諸佛菩薩起入三昧相若聲聞人但能起
一而不起有三種一順入所明自在起
中明起入有三種一順入所明自在起
三順起入起也細心約義自作可解

二超

出三昧云何名超起三昧從滅受想起入
定起還入非有想非無想處起入
想入無所有處無想處起入
起入無所有處無想處起入
中起入無所有處無想處起入
空起入無所有處無想處起入
禪起入無所有處無想處起入
散心中起入初禪初禪起入
散心中起入初禪初禪起入

佛菩薩起出三昧之相若聲聞人起出但能

起一超出而三昧之相若聲聞人起出但能

逆超此六三昧而合為六種超越三昧

四諦初門第三十三三滅諦四道諦

次超越而辯四諦者但上來所說諸無漏禪

中乃禪禪悉有四諦觀慧彼既明禪相則隱

理顯事從事以立名是以雖有四諦觀法而

不從諦得名如囊中有寶不探示人人無見

者是以今更次諸禪後明四諦等八科慧行

法門此四通言諦者諦以審實為義此四諦

三十七品初門第三十六 合七法門為三十七品一四念處二

四正勤三四如意足四五根五五力六七覺分七八正道

次生法二空而辯三十七品者若觀二空而入道並須善識道品之階級若依有門學聖必約衆生空觀以修三十七法若用平等斷

振七十四

或則應歷法空行於道品之門故次二空而辯也通言道品者道義如前品者品類也此七科法門悉是入道淺深之氣類故云道品也

四念處 一身念處二受念處三心念處四法念處

一身念處者 頭等六分四大五根假合故名

內身五種不淨破淨顛倒即是處也 二受

念處者 六觸因緣生六受從六受生三受名

三受皆苦破樂顛倒即是處觀外 三心念處 受內外受亦如是為受念處也 六識能識諸塵分別攀緣謂之為心是中觀內心智慧名之為念了知心從緣生剎

那不住念念生滅破常顛倒即是處也 **四法**

念處者 中觀行二陰及三無為法名之為法是我所畢竟不可得故無我破我顛倒即是處

也觀外法內外法亦如是為法念處若聲聞經中明念處即說破八倒為念處故大品經云若能深觀四念處是為生道場

四正勤 一已生惡法為除斷一心勤精進二未生惡法不令生一心勤精進三已生善法為增長一心勤精進四已生善法為增長一心勤精進

一已生惡法為除斷一心勤精進 四念處觀心起五蓋等諸煩惱覆心離信等五種善根時如是等惡若已生為斷故一心勤精進方

便除斷 **二未生惡法不令生一心勤精進** 念令盡也

處觀時若懈怠心及五蓋等諸煩惱惡法雖未生恐後應生遮信等五種善根今為不令

生故一心勤精進方 **三未生善法為生一心**

勤精進 四念處觀時信等五種善根未生為令生故一心勤精進方便修習令信

等善根 **四已生善法為增長一心勤精進** 念處觀時信等五種善根已生為令增長故一心勤精進方便修習信等善根令不退失

增長成就此四通名正勤者破邪
道於正道中勤行故名正勤也
四如意足 三心如意足二精進如意足
一欲如意足 欲如意足二精進如意足

進如意足 精進如意足二精
進如意足 精進如意足二精

如意足 成就修如意足
如意足 成就修如意足

為主得定斷行成就修如意足
者四念處中實智慧四正勤中
智慧增多定力小弱得四種定攝心故智定
力等所願皆得故名如意足智定力等能斷
結使故云斷
行成就也

五根 一信根二精進根三
念根四定根五慧根

一信根 信是正道及助道
信根也 二精進根 行是正道
及諸助道

三念根 念是正道及諸助道
念根也 三念根 念是正道及諸助道

四定根 定是正道及諸助道
定根也 四定根 定是正道及諸助道

五慧根 慧是正道及諸助道
慧根也 五慧根 慧是正道及諸助道

得四如意足 智定安隱即信等五種善法若
似若真任運而生譬如陰陽調適一切種子
故名根也

五力 一信力二精進力三
念力四定力五慧力

一信力 信是正道及諸助道
信力 信是正道及諸助道

二精進力 精進是正道及諸助道
精進力 精進是正道及諸助道

三念力 念是正道及諸助道
念力 念是正道及諸助道

四定力 定是正道及諸助道
定力 定是正道及諸助道

五慧力 慧是正道及諸助道
慧力 慧是正道及諸助道

增長則能破諸亂想發五慧力
諸事理禪定是為定力五慧力
常十六行時若慧根增長則能遮三見思
之惑發真無漏故名慧力此五通名力者能
壞諸有漏不善成辦
出世善事故名力也

七覺分 一擇法覺分二精進覺分三喜覺分
四除覺分五捨覺分六定覺分七念覺分

一擇法覺分 智慧觀諸法時善簡別真偽
擇法覺分 智慧觀諸法時善簡別真偽

二精進覺分 精進修諸法時善勤
精進覺分 精進修諸法時善勤

三喜覺分 喜是正道及諸助道
喜覺分 喜是正道及諸助道

四除覺分 除是正道及諸助道
除覺分 除是正道及諸助道

五捨覺分 捨是正道及諸助道
捨覺分 捨是正道及諸助道

六定覺分 定是正道及諸助道
定覺分 定是正道及諸助道

七念覺分 念是正道及諸助道
念覺分 念是正道及諸助道

真正善根故名除覺分五捨覺分念著之境
真法喜故名喜覺分四除覺分煩惱除時善
能覺了除諸虛偽不損五捨覺分念著之境
故名精進覺分三喜覺分若此善不依顯
心在真法中行三喜覺分若此善不依顯
故名精進覺分三喜覺分若此善不依顯
倒之法而生歡喜住四除覺分煩惱除時善
真法喜故名喜覺分四除覺分煩惱除時善
能覺了除諸虛偽不損五捨覺分念著之境

時善能覺了所捨之境虛偽六定覺分若發
不實永不追憶是為捨覺分
定之時善能覺了諸禪虛假七念覺分若修
不生見受安想了常使定慧均平若心沉沒當
道時善能覺了等三覺分察起若心浮動
念用擇法捨定等三覺分察起若心浮動
當念用除捨定等三覺分察起若心浮動
之問調和中適是念覺分此七通名覺分者
無學實覺七事能到故通名覺分

八正道分一正見二正思惟三正語四正業

一正見若修無漏十六行見二正思惟諦見四

無漏心相應思惟動發覺知籌量三正語以

漏智慧除四種邪命攝口業四正業以無漏

住一切口正語中是名正語四正業以無漏

正身一切邪業住清淨五正命除三業中五種

邪命住清淨正命是為正命何等五種一

功養故高聲現威令相奇特二為利養故自說

利養故高聲現威令相奇特二為利養故自說

因緣活命故是為邪命六正精進以無漏智

應勤精進修淨七正念以無漏智慧相應

故名八正定以無漏智慧相應入定故故名

七

七

邪為義今此八法不依偏邪而行
皆名為正能通至涅槃故名為道
三解脫初門第三十七 解脫門三無作解脫

次三十七品而辯三解脫門者大智度論云
三十七品是趣涅槃道行是道已到涅槃涅槃

槃城有三門謂空無相無作既已說道故次
應說到處門也此三通名解脫門者解脫即

是涅槃門謂能通此三法能通行者得入涅槃
槃故名解脫門也亦云三三昧三昧義如前

說但三昧即是當體得名解脫從能通之用
以受稱也此無別法有師解云因時名三昧

證果則變名解脫此類如八背捨八解脫也
一空解脫門云何名空解脫門觀諸法無我

緣和合生無有作者無有受者能如是通達
者是名空解脫門是空解脫門緣二行謂空
我二無相解脫門云何名無相解脫門觀男

實皆不可得故無相所以者何若諸法無我
我所故空空故無男女一異等法我我所
中名字是異以是故男女一異等相實不可
得能如是通達者是為無相解脫門是解脫
緣四行謂三無作解脫門云何名無作解脫
盡滅妙出三無作解脫門若知一切法無
相即都無所作是名無作所以者何若於法
有所得者即於三界而有願求因是造作三
有之業令一切相皆不可得故則於三界無
所願求不造一切相三有生死之業無業故無

報是為無作解脫門是無作解脫門緣
十行謂無常苦集因緣生道正進乘也

三無漏根初門第三十八一未知欲知根二

次三解脫門而辯三無漏根者解脫既是涅槃之門若善修三解脫必定發真無漏證有餘涅槃得有餘涅槃自有三道不同謂見道

修道無學道也證三道時必發三根故次三解脫而辯之通名根者根以住立能生為義得此三法住立不退生真智照故名根也

一未知欲知根無漏九根和合信行法人於見諦道中名未知欲知根
所謂九根者信根精進根念根定根慧根喜根樂根捨根意根也
二知根信根
根七
十八

見得人思惟道中是九根轉名知三知已根
根九根如未知欲知根中分別
若至無學道中是九根轉名知已
根九亦如未知欲知根中分別也

十一智初門第三十九一法智二比智三他

六集智七滅智八道智九盡智十無生智十一如實智

次三無漏根而辯十一智者以三根能生十

一智故所以者何未知欲知根生法智比智

知根生苦智集智滅智道智及他心智世智

知已根生盡智無生智及如實智是以次三

根而辯十一智也通名智者決定了知故名

為智若發此十一智時各齊位照了分明故

通名為智也

一法智欲界繫法中無漏智欲界繫因中無

界繫法道中無漏智及二比智界於色界無色

法智品中無漏智亦如法智三他心智知欲界

辨四種無漏智如法智中明但有法比之味也
四世智諸世間
數法少分是為他心智也
現在心數法及無漏心心

慧亦名等智凡夫聖人同有此智故名五苦
等智亦云名字智是智但有名而無理
智我觀時得無苦空無六集智生知諸法因集
也七滅智時滅止妙出觀八道智時道正行遠觀
九盡智我見苦已斷集已證滅已修道已十
無生智我見苦已不復更證修道已不復更
修如是念時無漏十一如實智一切法總相
智慧見明覺也獨在佛心中有二乘之所無也
十二因緣初門第四十一名色五六八六觸七
受八愛九取十有十一生十二老死
次十一智而辯十二因緣者除如實智其餘
十智皆是二乘共得今一往明若聲聞人但
約一世總觀四諦成十智則智劣智劣故不
能侵除習氣功德神用亦減少若緣覺人通
約三世細分別觀十二因緣若成十智則智
強智強故能侵除習氣功德神用亦廣是以

大聖教門別開出中乘之道意在此也通稱
因緣者是十二法展轉能感果故名因互相
由藉而有謂之緣也因緣相續則生死往還
無際若知無明不起取有則三界二十五有
生死皆息是為出世之要術也教門十二因
緣有三種不同一者約三世明十二因緣二
者約果報二世辯十二因緣三者約一念一
世辯十二因緣今無明三世十二因緣者初
二過去世攝後二未來世攝中八現在世攝
是中略說三事煩惱業苦是三事展轉更互
為因緣是煩惱業因緣業苦因緣苦苦因緣
苦煩惱因緣煩惱業因緣業苦因緣苦苦因
緣是為展轉更互為因緣故云三世十二因
緣也
一無明過去世一切煩惱通是無明以過去
未有智慧光明故則一切煩惱得起

故是以過去煩二行從無明生業業即是行
果故是無明也三識從生相識初身因如犢子
母交會初欲四名色從色陰生非色四陰及所
託胎時之名五入從名色中眼等六情是
歌羅邏時之六入對塵觸六根故即有六識生
即是六觸以六塵觸六根故即有六識生
故名情塵七受從觸生受故名爲受即是因
識合也八愛所領受中心著名之爲愛謂於九取
從渴愛因緣求是名爲十有從取則後世業
因能求取所愛之塵也十有從取則後世業
故名爲十一生從生五衆身熱壞是爲六道中
受生十二老死從生五衆身熱壞是爲六道中
也
苦衆惱合集若正觀諸法實相清淨則無明
盡無明盡故行盡乃至衆苦和合皆盡若能
如是正觀三世十二因
緣發真無漏成辟支佛
次明從果報約二世觀十二因緣相具出大
集經今略出經文是十二因緣從歌羅邏而
辯無明故云果報也約二世明者前十因緣

屬現在後二因緣屬未來二世合爲十二也
一無明大集經言云何名爲觀於無明先觀
四大和合精血二滲合成一滲大如豆于名
歌羅邏是歌羅邏無有三事一命二識三孺過
去世中業緣果報無有作者及以受者初息
出入是名無明歌羅邏時氣息出入者有二
種道所謂隨母氣息上下七日一變息入出
者名爲壽命是名風道不臭不爛是名爲孺
是中心意名之爲識善男子若有二行復觀
欲得辟支佛當觀如是十二因緣觀隨心於
念觀息出入觀於內身皮膚肌肉筋骨髓腦
如空中雲是身中風亦復如是風能增長有
風息之出入名爲身行息從覺觀三識以如
生故名爲識四名色及以色陰故則有四陰
生故名爲識四名色及以色陰故則有四陰
五六入五陰因緣識行六觸爲觸乃至意法
亦如七受至觸因緣故念色乃八愛貪著於色
是名九取愛因緣故名爲取十有於後身故名
爲愛九取愛因緣故名爲取十有於後身故名
有十一生有因緣故有十二老死則有老死
種種諸苦是名五陰十二因緣初受報
緣之大樹也此並是略出經文辯從初受報

來約二世明十二因緣相尋然無一句私語
讀者善尋自知與前來約三世明十二因緣
有異也

次明一念十二因緣但約一世中隨一念心
起即具十二因緣亦出大集經中今略出經
文明一念十二因緣相

一無明因眼見色而生二行為愛造業三識
至心專念愛心即是無明四名色識共色行五六入食六處生
故名為識因入求愛七受貪著心者八受脫經中
六觸名之為觸九取名為受十有
不釋愛相今私作義釋九取名為受十有
云纏綿不捨名為受十有
如是法生十一生是次第不斷十二老死斷故
是名為有十一生是次第不斷十二老死斷故
名之為死生死因緣眾苦所逼名之為惱乃
至意法因緣生貪亦復如是十二因緣一
人一念皆悉具足並出大集經文未有一
私語讀者善尋此與常所說三世因緣迥異
若有欲學因緣佛道者上來說至此三種辯
因緣相隨用一門修學即證緣覺智也

法界次第初門卷中

音釋

可煖 瘵依據 歔所力切 邏即佐 炮普教切 燐奴管切

法界次第初門卷下

振八

陳隋國師智者大師撰

四弘誓願初門第四十一

六波羅蜜初門第四十二

四依初門第四十三

九種大禪初門第四十四

十八空初門第四十五

十喻初門第四十六

百八三昧初門第四十七

五百陀羅尼初門第四十八

四攝初門第四十九

六和敬初門第五十

八自在初門第五十一

亦名八種變化

四無礙辯初門第五十二

十力初門第五十三

四無所畏初門第五十四

十八不共法初門第五十五

大慈大悲初門第五十六

三十二相初門第五十七

八十種好初門第五十八

八種音聲初門第五十九

三念處初門第六十

四弘誓願初門第四十一

一未度者令度二未解者令解三未

安者令安四未涅槃者令得涅槃

次十二因緣而辯四弘誓願者上二卷所出

法門或是凡夫共法或與二乘同有並未明菩薩諸佛不共之道故今此一卷略出二十科法門皆是別明菩薩所行諸佛證法故從弘誓而辯也所以凡夫二乘法中雖有慈悲而並無弘誓之德者若凡夫人既不識四諦

十二因緣雖修慈悲止是為大福德生梵天
中受梵王果報此於衆生無出世利益豈能
因慈悲樹立弘誓之功若是二乘雖知四諦
十二因緣所修慈悲但為自調其心欲於一
世盡苦獨入無餘既不能久處生死荷負一

攝八

切豈能因慈悲而起弘誓之德今菩薩善達
四諦十二因緣憐愍一切同於子想故能為
衆生久處生死發心荷負一切共入涅槃是
以必須大誓莊嚴要心不退也此四通言弘
誓願者廣普之緣謂之為弘自制其心名之
曰誓志求滿足故云願也菩薩摩訶薩以慈
悲緣四真諦運懷曠闊自要其心志令一切
衆生同證四真實究竟之道故云四弘誓願
也菩薩若以諸法實相之慧發此四願即是
發菩提心萬行之本靈覺之源是以一切大

士由斯弘誓曩劫修因十方大聖緣此四願
常處生死廣度衆生而不永滅今明不共之
法先從弘誓為始意在此也

一未度者令度此弘誓緣苦諦而起故瓔珞
明苦者即是生死也生有苦諦令度苦諦今
死謂六道衆生所稟陰界入身果報既盡有

形質分段之成壞也二變易生死謂羅漢辟
支及大力菩薩三種意生身雖無分段盡報
猶有細微因轉果移變易生身滅之所遷也若
一切未度一轉生苦者菩薩發心願合得
度故云未二未解者令解此弘誓緣集諦而
度者今度二未解者令解此弘誓緣集諦而
解集諦者今解集諦今明集者即是煩惱未
業能招聚生死煩惱業有集者即是煩惱未
煩惱者潤分生死煩惱業有集者即是煩惱未
果也二無明住地煩惱潤變易分段生死苦招
聚變易生死苦果也若一切未解此二種集
者菩薩發心願令得解故云未解者令解
三未安者令安此弘誓緣道諦而起故瓔珞
明即是能通涅槃之正助道也有二種正助
道一偏緣真諦修助道也二緣實相修助道
盡苦涅槃二正緣中道實相修助道也
能到大乘般涅槃若一切未安此二種道
者菩薩發心願令得安也四未涅槃者令得涅槃
故云未安道者令安也

槃此弘誓滅諦而起故璣經云未得滅
生苦果滅諦也有二種業煩惱生一分
生死業四住地煩惱滅則分段生死苦
即二乘所得滅諦也二變易生死無明
地煩惱滅即變易生死若果滅諸佛及
薩所得不共究竟滅諦也若一切未得
種滅諦者菩薩發心願令得滅故云未
槃者令得涅槃今四諦有半滿異前但
聲聞中明四諦有半滿異前但明半字
四聖諦今明滿字無作四聖諦所以二
聖諦合明者菩薩之道教門不同若是
教通教所明弘誓但緣有作四聖諦而
是別教圓教所明弘誓通緣有作無作
四聖諦而起故約弘誓分
別四諦半滿異於前也

六波羅蜜初門第四十二 一檀波羅蜜二尸

波羅蜜四毗梨耶波羅蜜三尋提
禪波羅蜜六般若波羅蜜

次四弘誓願而辯六波羅蜜者菩薩之道願
行相扶既發大願必須修行今六波羅蜜即
是菩薩正行之本是以法華經云為求菩薩
道者說應六波羅蜜故次弘誓而辯之也檀
尸乃至般若並是外國語至下別釋中當各

翻名此六通云波羅蜜者並是西土之言秦
翻經論多不同今略出三翻或翻云事究竟
或翻云到彼岸或翻云度無極菩薩修此六
法能究竟通別二種因果一切自行化他之
事故云事究竟乘此六法能從二種生死此
岸到二種涅槃彼岸謂之到彼岸因此六法
能度通別二種事理諸法之曠遠故云度無
極也若依別釋三翻各有所主若依通解則
三翻雖異意同無別也

一檀波羅蜜 檀那秦言布施若內有信心外

生捨法能破慳貪是為檀布施者有二種一
者財施二破法施財施者所謂飲食衣服田
宅六畜奴婢珍寶一切己之所有資身之具
及妻子乃至身命屬他為他財物故云捨身
猶屬財施隨有所須者悉能施與皆名財施
也法施者若從諸佛及善知識聞說世間出
世清淨法若從經論中聞若自以觀行故知
以清淨心為人演說皆名法施菩薩以質直
清淨心行此二種施故名為檀波羅蜜者翻
名如前若菩薩於檀中能具修五種心者是

時布施名波羅蜜何等五者一者知施實相二
者起悲心三者發願四者得入實相正觀以受足
方便財物三事皆空不可得捨實相正觀以受足
人所捨法而隨他有所起慈悲心若捨不恚是為
無所捨法而隨他有所起慈悲心若捨不恚是為
知實相二云何而起慈悲心若捨不恚是為
布施實相無二云何而起慈悲心若捨不恚是為
與一施樂相無一切苦而起慈悲心若捨不恚是為
名發願報是為發願四者云何佛果不求凡隨
夫二乘果報是為發願四者云何佛果不求凡隨
所施是為迴施五功德向薩婆及施一切衆
生是為迴施五功德向薩婆及施一切衆
布施是為迴施五功德向薩婆及施一切衆
為具足方便善達一切佛五心者到彼時
隨有施度無極也是以菩薩所行布施者名
岸亦名波羅蜜至無上菩提二尸羅波羅
佛果方檀羅蜜好行善或不善道不戒行
蜜尸羅或受戒行善或不善道不戒行
羅尸羅略說有二種一者在家尸羅二
家尸羅在家尸羅者所謂三沙彌五戒
也二出家在尸羅者所謂沙彌尼十戒
式又摩尼六法戒比丘若菩薩十重
乃至三千威儀八萬律行若菩薩十
八輕則通在出家戒共戒也若菩薩
清淨心持如是等戒皆名尸羅波羅
名如前若菩薩住二種尸羅中何能
五種心者若菩薩住二種尸羅中何能
知尸羅實相罪不可得而好行善道不自放

逸餘四類如檀中分別菩薩若能具修此五
心者隨所持戒名為尸羅波羅蜜若具三義是
以菩薩持戒方是尸羅波羅蜜若具三義是
菩提佛果方是尸羅波羅蜜若具三義是
三尸羅提波羅蜜
二種一者生忍二外所尋境忍辱心成也
有二種一者生忍二外所尋境忍辱心成也
逸二於瞋罵打辱中忍不生瞋恨怨惱是
為生忍云何法忍中忍不生瞋恨怨惱是
謂寒熱風雨飢渴老病等二心法謂瞋恚
憂愁疑妬欲惱慢邪見等二心法謂瞋恚
能忍不動是名波羅蜜者翻名如直清淨心
此二忍中為具修波羅蜜者翻名如直清淨心
住何等事為一具修波羅蜜者翻名如直清淨心
密何等事為一具修波羅蜜者翻名如直清淨心
所忍之事而隨心類如忍辱中分別菩薩若能
安忍不勤餘四心類如忍辱中分別菩薩若能
具足修此五種心隨名所忍事因中說波羅
三義是以菩薩修忍隨名所忍事因中說波羅
至無上菩提具足修此五種心隨名所忍事因中說波羅
鼻提波羅蜜具足修此五種心隨名所忍事因中說波羅
耶秦言精進有二種一者身精進二者心精進
精進精進有欲樂勤行善禮誦講助開化是
若身勤修善法勤行善禮誦講助開化是
為身精進若心勤修善法勤行善禮誦講助開化是
精進復次勤修善法勤行善禮誦講助開化是
忍辱禪定智慧是相不為心精進是若等精進
別身精進智慧是相不為心精進是若等精進
質直清淨心修之是二種精進故名若毗梨耶

依義不依語四
依智不依識

次六波羅蜜而辯四依者菩薩既欲學六波羅蜜之正行而行不孤立必有所依而得成就依憑若正則具正行能至菩提依憑若邪則墮邪道故次六度而明四依也此四通名依者依憑也依憑此四法能成諸波羅蜜萬行之因滿足菩提佛果故云依也

一依法不依人 依法者實相及一切隨順實若依實相法身而修諸波羅蜜萬行功德皆悉具足一切清淨能至菩提故云依法不依人者人是攬五陰所成假名相好之身若依相好之身而修諸波羅蜜萬行功德則皆墮顛倒終不得見真實法身故云不依人也所以者何如涅槃說魔王波旬尚能作佛況不能作四依之人是故雖是凡夫若所說行與實相相應則可依信雖現佛身相好若所說行乖實相法者則二依了義經不依不了義經依了義經者謂諸大乘方等十二部經中經皆明中道佛性實相如之理若依此教而修諸波羅蜜萬行功德則心與中道相應能見佛性如來藏理故云依了義經不依不了義經

了義經者所謂聲聞所應行九部中不修中道佛性如來藏理若依此教而修諸波羅蜜萬行功德則不依不了義經也三依義不來藏理故云不依不了義經也三依義不依語 依義者義是中道第一義諦若依中道言語道斷心行處滅破諸波羅蜜萬行功德則然流入無量禪定故云依義不依語者語是世間語文字章句虛誑無實乃至二乘所見真諦涅槃亦章句虛誑無實乃至二乘所見則增長文字言語而修諸波羅蜜萬行功德則大乘大般若經云四依智不依識之智若於正觀智慧心無所著而修諸波羅蜜萬行功德則能破散五住煩惱及無邊生死之業必獲大乘涅槃常樂我淨故云依智不依識者妄想之心名為識集五住煩惱二邊生死之業是以流轉無際衆苦不息故云不依識

九種大禪初門第四十四 一自性禪二一切

門禪五善人禪六一切禪七除煩惱禪八此世他世禪九清淨禪

次四依而辯九種禪者菩薩既得正依憑處

則能進修深廣之大行也至論深廣之內行
莫若禪定故大智度論云禪最大如王言禪
則一切皆攝所謂若諸菩薩成道起轉法輪
入涅槃所有勝妙功德悉在禪中今明別觀
菩薩成道起轉法輪入涅槃勝妙功德思惟

初八

八

修法並在九種禪中故次四依而辯也此九
種禪瓔珞經中雖有其意而不列名解釋彌
勒菩薩造地持處明六波羅蜜方乃辯出九
種相並是菩薩不共之禪從自性禪乃至清
淨不與二乘人共今為明菩薩不共次第深
廣內行思惟修法於六波羅蜜中的別出此
九種大禪此九通名禪者翻釋名同前是則
名同而法相有別

一自性禪云何名自性禪於菩薩藏聞思前
行世間出世間善一心安住或止
分或觀分或此二同二一切禪云何名菩薩
一切禪略說
類或俱分是自性禪

二種一者世間二出世間又隨其所應各
有三種一者利益眾一者寂滅自舉心息捨離一切妄
想及一切心止息第一寂滅自舉心息捨離一切妄
種及一切不可思議無量無邊十力種種性所攝三
昧彼諸三昧一切聲聞辟支佛不知其一切無
復能知起及所出生二乘解脫除入一切無
礙功德禪利智眾生禪者十一種如前釋菩

薩依布施眾所應說知恩報恩諸皆與同事為
除眾苦能隨順見實功德歡喜讚歎等心折伏
眾善能怖或令歡喜是名三難禪云何菩薩
略說一怖或令歡喜是名三難禪云何菩薩
三種善薩久習勝妙禪定於諸三昧心得自
在哀慈眾一欲令成熱捨第一禪樂而生欲
界是名善薩第一難禪三昧出過一切聲聞辟
無數不可思議諸深三昧出過一切聲聞辟

初八

九

支佛上名第二難禪善薩依禪四一切門
得無上善提是名第三難禪也
禪云何善薩二喜門禪略說四種一者有覺
捨俱五善人禪云何善薩二喜門禪略說四種
者悲心俱四喜者六一切行禪云何善薩一
心俱五者捨心俱六一切行禪云何善薩一
種七種略說十三種善禪無記化行禪謂六
觀分自他利正念禪出生神通力功德禪名

法隨滯一有則不得無礙解脫縱任自在故
 須修十八空照了無住無著也經論明空開
 合名數不同或以略故合十八空但為十四
 空或為十一空或為七空乃至三空二空一
 空或以廣故開十八空為二十空二十五空
 乃至無量空今處中用十八空遣蕩諸有罄
 無不盡則諸波羅蜜禪定三昧萬行悉皆清
 淨也

一內空 內空者內法空內法者所謂內六入
 眼耳鼻舌身意亦二外空 外空者謂外六入色
 如是是為內空也 二外空 法者謂外六入色
 聲香味觸法亦如是是為外空也 三內外
 空 內外空者內外法空內外法者所謂內外
 是為內外空 四空空 空空者空空者所謂空空
 外空也 五空空 空空者空空者所謂空空
 故名為大亦一切處有故名何東方無邊
 故名為大亦一切處有故名何東方無邊

故名為大如是大方能破故名為大六第一
 空乃至南西北四方維上下亦如是
 義空 第一義空者亦無涅槃相涅槃空即第一義
 空 七有為空 生有為空者有為法名因緣和合
 今有為法二因緣故空一者無我無我所及
 常相不變易不可得故空二者無為法有為
 有故是為有為空也 八無為空 無為法名
 無因緣常不生不滅如虛空今待有為故說
 無為若有為法不可得則無為空者以前八空破諸
 即空 九畢竟空 畢竟空者畢竟空者以前八空破諸
 無諸法亦無畢竟空之可著故名畢竟空又解
 畢竟名為究竟之常寂滅相終歸於空華經十
 云乃至究竟涅槃常寂滅相終歸於空華經十
 無始空 無始空者如佛告諸比丘眾生無始無
 明覆愛所繫往來生死無始可得可破是十
 一散空 散空者五眾和合故有八若以智慧
 法皆空無所有如佛告羅睺那此色破散十二
 滅今無所有性名自不待因緣性
 性空 性空者性空者性空者性空者性空者
 何以故一切有法皆從緣生因緣生則
 是作法若不從緣和合則是無法如是一

切諸法性不可十三自相空自相空者一
得故名為性不可十三自相空法有相者一
總相二別相總相者如無常等別相者諸法
雖無常而各有別相如地有堅相火有熱相
如是二種相皆空故名相空分別性相不同
或言名異體同或云名體俱異所以性相何
言其體相異其識性以據內相以據外相如
見黃色為金相而內是銅火燒石磨知非金
相性故別十四諸法空五衆十二入十八界
明相空
等是諸法空皆入種種門所謂一切法有相
知相識相緣增上相因果相總相別相依相
相是等一切皆空空十五不可得空不可得者一
無實故名緣畢竟不可得故名不可得若
切法及因緣諸法空不可得故名不可得若
又解云上以諸法空不可得故名不可得若
作可得則為斷滅若知是不可得亦不可得
則於不可得中斷滅若知是不可得亦不可得
十六無法空無法者無法空有人解云滅是滅
未來法名無法是無法也十七有法空有法者有法空
不可得故名無法是無法也十七有法空有法者有法空
名諸因緣和合生故有二法無故名有法空
有人解云緣和合生故有二法無故名有法空
如是有法皆空十八無法有法空無法有法者取無
故有名有法不可得故名無法有法空亦以觀
無法有法空故名無法有法空亦以觀
去未來現在一切皆空
故名無法有法空也

十二

十喻初門第四十六一如幻二如炎三如水

六如鏡中像七如夢八如響

次十八空而辯十喻者此十喻既為易解空
故說若修十八空觀者不善用十喻曉其迷
執滯有之情體法真空正解發則無由故次

十八空而辯十喻為成觀空之易悟亦以異
於二乘壞法而修空也此十通名喻者借事
匹理以曉迷情故名為喻今以世間幻夢易
解之空以譬迷心外執難解之空令同易解
故此十事為喻也

一如幻如幻者譬如幻師作象馬及種種
可聞與情相對而無實然有幻色可見之為
實諸法亦如是皆是無明幻作雖空而可見
聞不相錯亂迷心不了妄執為實修空觀者
若知諸法同如幻相則心無所礙豁然開解
悟一切法皆悉二如炎如炎者如日中光
空寂故說如幻二如炎如炎者如日中光
馬無智之人初見謂為水男相女相及一切
法相亦如是結使煩惱為光諸行塵邪憶念風

生死曠野中轉無智慧者謂為一相為男為女是名為炎復次若遠見炎想為水近則無水相無智之者亦如是若遠望法不知無我想女想近聖法則知諸法實相是時三如水虛誑種種妄想想盡除以是故說如炎三如水中月法相在如法性實際虛空中影現於水實中有我我所相現以是故如水月中凡夫心水見水中月歡喜欲取大人見之則笑無智人亦如是身見故見有吾我無實智故見種種法見已歡喜欲取諸相男相女相等諸得道聖人慈之四如虛空名而無實法虛空但為有而笑也遠視眼光轉見影色諸法亦如是空無所有種遠無漏實智慧故棄實見彼我男女屋舍種種物若修空觀入實相理五如響如則一切皆無所有故說如虛空也若語聲若打者若深山溪谷中及空大舍中若語聲若打聲從聲有聲無智者謂為有人語聲智者了是聲無人作但以聲觸故名為響響事空而能誑耳根一切音聲言語亦如是人欲語時口中出風名憂陀那還入至臍響出時觸七處退還是名語言如響無智者不識語之因緣謂為實心取生憂喜智者知語因緣無實如響聞之心不生著諸法如是故說如響六如捷闥婆城如捷闥婆城者日初出時見轉高轉轉滅但可眼見而無有實無智人不識謂之為實智者見之即知無實諸法亦如

是無智不了妄計有假名吾我陰入界之
 實智者達皆無所有故說如捷闢婆城七
 口夢還自笑人亦如是是諸結使眠中實無
 而著得道覺時乃知無實亦復自笑以是故
 說如夢又夢以眠力故種種無而見八如影
 是無明眠力故種種無而見八如影
 有所謂我我所男女等也雖眼根等見聞覺知
 而不可捉諸法亦是雖眼根等見聞覺知
 實不可得又如影映光則現不映則無諸結使
 使煩惱遮正見光則有我相法相影若結使
 煩惱滅則我相法相影亦如是後世去九如鏡
 人住則住善惡業影亦如是後世去九如鏡
 時亦去今世住時亦住報不斷故也九如鏡
 中像如鏡中像者鏡中之像非鏡作非面作
 有而非鏡面和合作亦非無因緣作雖無定
 他亦可有分別諸法亦如是非是自非
 以名非共有分別如鏡中像實無所有而誑
 惑小兒令生憂喜智者雖見即知非實故無
 憂喜諸法亦如是誑惑凡夫生諸煩惱實智
 慧者雖復見聞知覺無實不生結業故說如
 鏡中十如化如化者若諸天如仙聖得神通者
 像死無苦樂有變化諸物如化人無生老
 病一切諸法亦如是皆無生滅又如是故主無定
 物但以心生便有所作皆無有實人生亦如
 是本無所因但從先世心生今世身皆無有
 實以是故說
 諸法如化

百八三昧初門第四十七 百八之數既多非可具列於後

次十喻而辯百八三昧者菩薩若善以十喻

開曉其心則所修十八空觀自然明了以是

空慧照諸禪定種種法門無染無著則能出

生諸菩薩百八三昧諸佛三昧不動等百則

有二十如是乃至無量三昧於諸三昧遊戲

自在是諸三昧不可思議不與二乘之所共

也今此百八乃至無量通名三昧者三昧名

通猶同前翻釋但首楞嚴等百八境界體用

微妙深廣故次而辯之今於百八中略出初

三後一以成次第章門百八等名相既多豈

可具辯若欲徧知當尋大智度論

一首楞嚴三昧 首楞嚴三昧者首楞嚴秦言健相分別知諸三昧行相多

少深淺如大將知諸兵力多少也菩薩得是三昧諸煩惱魔及魔人無能壞者譬如轉輪聖王主兵寶將所住至處無能壞伏故名健相三昧也

二寶印三昧 寶印

三昧者能印諸三昧於諸寶中法寶是實今
世後世乃至涅槃能為利益如佛語比丘為
汝說法所謂法印法印即為實印即解脫門
若三藏教門以三法為法印若摩訶衍教門
但有諸法實相一法印與實相般三師子遊
若相應三昧遊步三昧者菩薩得是三昧於
步三昧一切三昧中出入運速皆得自在譬
如眾獸戲時若見師子率皆怖懾師子戲時
於諸羣獸強者則殺伏者則放若菩薩如是

得是三昧遊步於諸外道強者破之信者度之故
名師子遊步三昧下一百四三昧亦應如是
具出大智度論若欲一百八離著虛空不染
知自當尋彼論

三昧離著虛空不染三昧者菩薩行般若波
羅蜜觀諸法畢竟空不生不滅如虛空
無物可喻純根菩薩著此虛空得此三昧故
離著虛空等諸法亦不染著是三昧離著虛空
泥中有此三昧亦如是今是三昧離著虛空
而復著此三昧亦如是今是三昧離著虛空

空亦自離著故名離著虛空不染三昧也如
是諸佛菩薩無量不可思議諸三昧是中應
具列其名目略釋其相是

五百陀羅尼初門第四十八 五百之數既多非可具列於第

次諸三昧而辯陀羅尼門者若依論解三昧

但是心相應法陀羅尼或心相應或不相應
故異於三昧若法華所明普現色身三昧猶
是解一切衆生語言陀羅尼以三昧陀羅尼
既是相成之法故次而辯之此五百通名陀
羅尼者陀羅尼是西土之言此土翻云能持
或言能遮言能持者集種種善法持令不散
不失譬如完器盛水水不漏散能遮者惡不
善根生能遮不令起故云能遮又翻爲總持
隨有若名若義若行地功德皆悉能持故名
總持今此五百並有持遮總持之義故通名
陀羅尼陀羅尼者略說則有五百廣明則有
八萬四千乃至無量悉是菩薩諸佛所得法
門名義皆不與二乘人共也今依大智度論
略辯三陀羅尼以成次第章門五百之數名
義既多豈可具辯

一聞持陀羅尼得此陀羅尼者一切語言諸
持不忘故及弟子衆有所演說一時能聞
十方諸佛及弟子衆有所演說一時能聞
分別陀羅尼得是陀羅尼諸衆生諸法大小
即是三入音聲陀羅尼得此陀羅尼者聞一
義持三入音聲陀羅尼切語言音聲不害不
瞋恨一切衆生如恒沙等劫壽惡言罵詈心不
增恨一切衆生如恒沙等劫壽惡言罵詈心不
不動不喜不著是爲入音聲陀羅尼即是行
持也復有寂滅陀羅尼無邊陀羅尼威德陀
羅尼隨地觀陀羅尼華嚴陀羅尼虛空藏陀
羅尼海藏陀羅尼分別諸陀羅尼明諸法義
陀羅尼廣明則無量陀羅尼
四攝初門第四十九一布施二愛語
三利行四同事
次諸陀羅尼而辯四攝者菩薩若內具諸三
昧陀羅尼自行既充必須外引含識同已所
行之道然大士利物廣濟莫若四無量心與
四攝法但四無量心名目既已先辯豈繁重
出四攝善巧接引之要故次而明之此四通
言攝者衆生情所愛者即是此之四法若大

士用此四法同情接引則物之所歸焉若衆生依附方乃導以大乘正道而度脫之故云先以欲鉤牽後令入佛道

一布施攝 菩薩以無所捨心行於二種布施爲樂財衆生即以財施而攝取之若以樂法衆生即以法施而攝取之以此二施能利益

一切衆生既蒙恩利因是生親愛心而隨受道得住真理故名檀布施攝也二若施相略如前檀波羅 二愛語攝 隨順一切以善輕之安慰

開喻則一切衆生之所樂聞因是生親愛心依附菩薩而隨受道得住真理故名愛語攝三利行攝 菩薩隨起身口意行能令一切各

利故因是生親愛心依附 四同事攝 菩薩用受道得真理故名利行攝 四同事攝 法眼明見衆生根緣故一切隨有同欣之者即分形

散影普和其光同彼事業各使露益既巧同其事因是生親愛心依附受道得 六和敬初門第五十一 同戒二同見三同行

次四攝而辯六和敬者菩薩既能善用四種同情之法攝得衆生爲成就故必須久處若

攝八

下七

不同愛敬則兩不和合不得盡成般若爲魔事若善用六和則與一切冥同必得善始令終則能安立一切於菩提大道故次四攝而明之也此六通名和敬者外同他善謂之爲和內自謙卑名之爲敬菩薩與物共事

外則同物行善內則常自謙卑故名和敬一同戒和敬 菩薩通達實相知罪不可得爲

便巧同一切持戒安立衆生於實相理以戒方同此戒善不斷不常未來必得菩提大果是以敬之如佛故 二同見和敬 菩薩通達實相

不見爲欲安立衆生於實相正見方便巧同一切種種知見無有乖諍亦知衆生因此知見分別增進開解必得種智圓明 三同行和

是以敬之如佛故說同見爲和敬 敬菩薩通達實相無念無行爲欲安立衆生敬於實相正行方便巧同一切修種種行無

有乖諍亦知衆生同此諸行漸漸積功德皆當成佛道是以敬之如佛故說同行爲和敬 四身慈和敬 菩薩住無緣平等大慈以修其

攝八

下七

是以敬之如佛故五口慈和敬善薩以無緣
 說身慈為和敬故五口慈和敬善薩以無緣
 修其口慈善根力能不起滅定普出一切音
 聲語言與一切樂故口與九道和同亦知前
 所得樂與生悉有佛性未來必定當得無六
 上口業是以敬之如佛故說口慈為和敬六
意慈和敬善薩心常在無緣慈三昧以修於
 意與衆生樂故慈意與九道和同亦知前所
 樂衆生悉有佛性如來藏理未來必定當得
 心如佛心是以敬之如
 佛故就意慈為和敬

八種變化初門第五十一 一能作小二能作
 作自在五能有大三能作輕四能
 到七能動地八隨意所作

次六和敬而辯八種變化者菩薩善住和敬
 之法則與一切猶如水乳衆生心既親愛故

易可化度若欲生物希有之信必須現大神
 通大神通者即六通也六通名目並已前列
 今不重出但八種變化自在之用利物功深
 二乘所不能測故次和敬而辯之也此八種
 通名變化者變化之名一徃既與前十四是

報八

十八

同無勞重釋而八種力用自在巧妙非二乘
 所得是以別出故大涅槃經中以此八法釋
 於我義

一能作小以變化力能自作已之小身亦化
 物乃至皆如微二能作大以變化力自化作
 盡是為能作小二能作大已之化身亦化作
 他之乃至滿虛空是為能作大 三能作輕以
 化力能自輕已身亦輕他身或輕世界 四能
 及所有乃至今如鴻毛是為能作輕 四能
 作自在長為短以變化力能長如小為大以
 作自在五能有主所以下降伏一切攝受一切無
 在也 五能有主 六能遠到以變化力故能
 在故名為有主 六能遠到以變化力故能
 飛行遠到二此沒彼出三移遠今近不 七能
 往而到四一念徃到十方是為遠到 七能
 動地動及十八種震動故名能動八隨意所
 欲盡能得以變化力能得一身能作多身多
 手捫日月能轉四大地作水作火作風
 風作火石作金作石是為隨意所欲盡能
 得若涅槃明八自在
 雖小異而大同耳

四無礙辯初門第五十二一義無礙智二法

智四樂說
無礙智

次八變化而辯四無礙智者菩薩若能現種種神通變化則一切見者無不信伏衆生既起敬信若欲闡揚大道必須無礙辯才故次八種變化以明四無礙智比四通名無礙智者菩薩於此四法智慧捷疾分別了了通達無滯故通名無礙智也

一義無礙智知諸法義了了通達無滯是名實相義亦名二法無礙智法名一切義故智

慧通達諸法名字分別無滯故名法無礙智又能以是法無礙智分別三乘而不壞法性於所說名字語言中無著三辭無礙智以語無滯亦是法無礙智也
名字義種種莊嚴言語隨其所應能令得解所謂一切衆生殊方異語若一語二語多語略語廣語女語男語過去未來現在語如是等語言能令各各得解辯說無礙一切聞者悉解其言說是四樂說無礙智菩薩於一切爲辭無礙智

字一語中能說一切語一法中能說一切法於所說法皆是真實皆隨可度者而有所益所謂十二部經八萬四千法藏隨一切衆生根性所樂聞法而爲說之善趣機緣言方無滯聞者無厭足菩薩以樂說辯力能任世半劫一劫乃至無量劫辯說無盡廣利益一切無有一劫差機之過故名樂說無礙智也

十力初門第五十三一是處非處力一業力三定力四根力五欲力六性力七至處道力八宿命力九天眼力十漏盡力

次四無礙智而辯十力者上之所明多是菩薩所得自行化他之法今欲明諸佛所得自行化他法門故次明十力不共等法也此十通名力者即諸佛所得如實智用通達一切

了了分明無能壞無能勝故名力也大菩薩亦分得此智力但比佛小劣故沒不受名

一是處非處力佛知一切諸法因緣果報定是因緣不生如是果報是因緣生如是果報從是有是處惡業尚不得惡世間樂何況出世間樂惡行生天無有是處惡行尚不能得生天何況涅槃五蓋覆心散亂雖修七覺而得涅槃

無有是處五蓋覆心雖修七覺尚不能得聲聞道心無不勝是處佛悉備知二業智力一切知
無能壞無能勝是初力也諸業受知造業處一切知
因緣生過去未來現在諸業受知造業處一切知
也三定力分別知一切諸業受知造業處一切知
也三力四根力分別知一切諸業受知造業處一切知
也三力四根力分別知一切諸業受知造業處一切知

五欲力知佛知他衆生種種欲如實徧六性力
佛知世間種種無量勝力如實徧六性力
佛知世間種種無量勝力如實徧六性力

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

無能壞無能勝是初力也諸業受知造業處一切知
無能壞無能勝是初力也諸業受知造業處一切知
無能壞無能勝是初力也諸業受知造業處一切知

生已盡持戒已立不作後有盡如
實徧知無能壞無能勝十力也
四無所畏初門第五十四二漏盡無所畏三

說盡苦道無所畏四
說盡苦道無所畏四
說盡苦道無所畏四

次十力而辯四無所畏者諸佛十力之智內
充明了決定故對外緣而無恐也故次十力

辯之意在易見此四通名無所畏者於八衆
中廣說自他智斷既決定無失則無微致恐

懼之相故稱無所畏
一一一切智無所畏佛作誠言我是一切正智

若魔若梵若復餘衆如實言是法不知乃至
不見是微畏相以是故我得安隱得無所畏

安住聖主處如牛王在大衆中師子吼能轉
梵輪諸沙門婆羅門若天若魔若梵若復餘

衆實不能轉二漏盡無所畏佛作誠言我一
一無所畏也天若魔若梵若復餘衆如實言

門婆羅門若天若魔若梵若復餘衆如實言
是漏不盡乃至不見微畏相以是故我得安

隱得無所畏安住聖主處如牛王在大衆中
師子吼能轉梵輪諸沙門婆羅門若天若魔

若梵若復餘衆實三說鄢道無所畏佛作誠
不能轉二無所畏三說鄢道無所畏佛作誠

若梵若復餘衆實三說鄢道無所畏佛作誠
不能轉二無所畏三說鄢道無所畏佛作誠

若梵若復餘衆實三說鄢道無所畏佛作誠
不能轉二無所畏三說鄢道無所畏佛作誠

若梵若復餘衆實三說鄢道無所畏佛作誠
不能轉二無所畏三說鄢道無所畏佛作誠

若梵若復餘衆實三說鄢道無所畏佛作誠
不能轉二無所畏三說鄢道無所畏佛作誠

郭法若有沙門婆羅門若天若魔若梵若復
餘衆如實言受是郭法不郭道乃至不見是
微畏相以是故我得安隱得無所畏安住聖
主處如牛王在大衆中師子吼能轉梵輪諸
沙門婆羅門若天若魔若梵若
復餘衆實不能轉三無所畏 四說盡苦道
無所畏 是行能盡諸苦若有沙門婆羅門若
天若魔若梵若復餘衆如實言行是道不能
出世間不能盡苦乃至不見是微畏相以是
故我得安隱得無所畏安住聖主處如牛王
在大衆中師子吼能轉梵輪諸沙門婆羅門
若天若魔若梵若復餘衆
實不能轉四無所畏也

十八不共法初門第五十五 身無失二口
四無異想五無不定心六無不
知已捨七欲無減八精進無減
九念無減十二解脫知見無減十三
一切身業隨智慧行十四一切
口業隨智慧行十五一切意業
隨智慧行十六智慧知過去世
無礙十七智慧知未來世無礙
十八智慧知現在世無礙

次四無所畏而辯十八不共法者諸佛十力
之智內充無畏之德外顯故所有一切功德

智慧超過物表不與世共欲簡異一切凡聖
所得是以次而明之此十八通名不共者極
地之法不與凡夫二乘及諸菩薩共有故云
不共也

一身無失 佛無量劫來常用戒定智慧慈悲
以修於身此諸功德滿足故諸罪
根本拔故所謂一切不善五住煩惱及習二
氣俱盡也一切身業隨智慧行故身無畏 二
口無失 身無失因緣類如 三念無失 佛四念處
修故善修諸深禪定心不散亂故善斷欲愛
及法愛故於諸法中心無著故得第一安隱
處故一切意業隨 四無異想 佛於一切衆生
智慧行故念無失 四無異想 佛於一切衆生
異想平等普度心無簡擇如 五無不定心 佛
日出普照萬物是為無異想 二十

一切細微亂盡離常 六無不知已捨 佛於一
在禪定故捨無不定心 六無不知已捨 佛於一
皆照知方捨無有一法不經心 七欲無減 佛
知而捨者故捨無不知已捨 七欲無減 佛
善法思故雖具衆善而常欲習諸善法欲度
一切故欲無減心無厭足故欲無減譬如轉
輪王馬寶雖復一日周 八精進無減 佛身心
行四天下徧意遊不足 八精進無減 佛身心
進滿足常度一切未嘗 九念無減 佛於三世
休息故名精進無減 九念無減 佛於三世

切智慧相應故滿足十慧無減佛得一切智

無減故名念無減十一解脫無減佛具二

所畏四無礙智成就十二解脫知見無減佛於一切解脫

圓極故名無礙智成就十一解脫無減佛具二

故名解脫無礙何等為二一有為解脫謂一切煩

惱智慧相應解脫也二無為解脫謂一切煩

惱都盡十二解脫知見無減佛於一切解脫

無餘也十二解脫知見無減佛於一切解脫

明故名解脫知見無減佛於一切解脫

解脫時解脫不時解脫慧解脫俱解脫不壞

解脫八解脫不思議解脫無礙解脫等十三

分別諸解脫相牢固是解脫知見無減十三

一切身業隨智慧行佛先知然後隨知起一

非佛事利益一切故十四一切口業隨智慧

名身業隨智慧行十五一切意業隨智慧行身業

行中分別十六智慧知過去世無礙佛智慧照知

別中分別十六智慧知過去世無礙佛智慧照知

去際所有一切若衆生法若十七智慧知未

來世無礙佛智慧照未來世盡未來際所有

知無

三

次大慈大悲而辯三十二相八十種好八音

次

三十二相初門第五十七三十二相名目既

下

次大慈大悲而辯三十二相八十種好八音

次

三十二相初門第五十七三十二相名目既

下

三念處等四科者至論法身虛寂豈有形聲
心識之可見聞知乎但以慈悲之力隨有應
見清淨三業之機而得樂免苦者即便爲現
端嚴相好及妙音聲平等三念與樂拔苦之
緣故次慈悲而辯相好八音三念處也今此
三十二通云相者相名有所表發攬而可別
名之爲相如來應化之體現此三十二相以
表法身衆德圓極使見者愛敬知有勝德可
崇人天中尊衆聖之王故現三十二相也
一足下安平如奩底二足下千輻輪相三手
足指長勝餘人四手足柔輭勝餘身分五手
足指合縵網勝餘人六足跟具足滿好七足
趺高好根相稱八如伊尼延鹿王腩纖好九
立手摩膝十陰藏相如馬王十一身縱廣等
十二一一毛孔生青色柔輭十三毛上向青

攝八

二十四

色柔輭右旋十四金色光其相微妙十五身
光面各一丈十六皮膚薄細滑不受塵水不
停蚊蚋十七兩足下兩手兩肩項中七處滿
十八兩腋下滿十九身上如師子二十身端
直二十一肩圓好二十二四十齒具足二十
三齒白淨齊密而根深二十四牙最白而
大二十五頰車如師子二十六咽中津液得
味中上味二十七舌大薄覆面至髮際二十
八梵音深遠如迦陵頻伽聲二十九眼色如
金精三十眼睫如牛王三十一眉間白毫相
如兜羅綿三十二頂肉髻成

八十種好名目既多非可具列第下

故相不微妙故次相而辯好也通云好者可
愛樂也以八十種好莊嚴身故天人一切之
所愛樂故云好也即是以慈修身故有此清
淨相好之身業也

一無見頂相二鼻高好孔不現三眉如初月

無八

二十五

紺瑠璃色四耳輪輻相埒成五身堅實如那
羅延六骨際如鉤鑠七身一時迴如象王八
行時足去地四寸而印文現九爪如赤銅色
薄而細澤十膝骨堅著圓好十一身清潔十
二身柔輭十三身不曲十四指長纖圓十五
指文藏覆十六脉深不現十七蹠不現十八
身潤澤十九身自持不逶迤二十身滿足二
十一容儀備足二十二容儀滿足二十三住
處安無能動者二十四威振一切二十五一
切樂觀二十六面不長大二十七正容貌不

撓色二十八面具滿足二十九脣如頻婆果
色三十言音深遠三十一臍深圓好三十二
毛右旋三十三手足滿三十四手足如意三
十五手文明直三十六手文長三十七手文
不斷三十八一切惡心衆生見者和悅三十
九面廣姝好四十面淨滿如月四十一隨衆
生意和悅與語四十二毛孔出香氣四十三
口出無上香四十四儀容如師子四十五進
止如象王四十六行法如鵝王四十七頭如
摩陀那果四十八一切聲分具足四十九四
牙白利五十舌色赤五十一舌薄五十二毛
紅色五十三毛輭淨五十四廣長眼五十五
孔門相具五十六手足赤白如蓮華色五十
七臍不出五十八腹不現五十九細腹六十
身不傾動六十一身持重六十二其身大六

十三身長六十四手足軟淨滑澤六十五四
邊光各一丈長六十六光照身而行六十七
等視衆生六十八不輕衆生六十九隨衆生
音聲不增不減七十說法不著七十一隨衆
生語言而說法七十二發音報衆聲七十三
次第有因緣說法七十四一切衆生不能盡
觀相七十五觀無厭足七十六髮長好七十
七髮不亂七十八髮旋好七十九髮色青珠
八十手足有德相坐禪三昧經云曾有
德字手足有吉字
八音初門第五十九四尊慧五不女六不謬
七深遠
八不竭
次相好而辯八音者若佛以相好端嚴發見
者之善心音聲理當清妙起聞者之信敬故
次相好而明八音也此八通云音者詮理之
聲謂之爲音佛所出聲凡有詮辯言辭清雅

聞者無厭聽之無足能爲一切作與樂拔苦
因緣莫若聞聲之益即是以慈修口故有八
音清淨之口業
一極好音一切諸天賢聖雖各有好音好之
未極佛報國極故出音聲清雅能
令聞者無厭皆入好道好
二柔輒音佛德慈
中之最好故名極好音也
三和適音佛居中道之理巧解從容故所出
皆捨剛強之心自然入律行故名柔輒音
融因聲會理四尊慧音佛所出音聲能令聞
故名和適音
五不女音佛世雄之德久已
者尊重解慧開
六不誤音佛智圓明照了無謬故所出音聲詮
論無失能令聞者各獲正見離於九
十五種之邪非
七深遠音佛智照窮如實
故名不誤音
八不竭音如來極深之理梵行高遠故名
深遠
無遺至成無盡常住之果故名不竭音也

三念處初門第六十

一不一心聽法不以爲憂去二一心聽者不以爲

爲喜三常行捨心行

次八音而辯三念處者既八音爲物開演正法聽者善惡不同必有信毀違順之別若無三念之德豈能心地坦若虛空泯無憂喜之

相故次八音而辯三念處也此三通名念處者慧心能緣名之爲念平等之理不增不減謂之爲處佛以慧心緣於平等不增不減之理是以違順學者心無憂喜之相故三通名念處即是以慈修意能現平等清淨之意業也

一不一心聽法不以爲憂

佛智了達不一心聽法之人平等法

二聽者一心不以爲喜

界中滅退相畢竟不不得故無憂相也佛智了達聽者平等法界中增進相畢竟不可得故無喜相也三常行捨心佛智了達一切言說利益衆生中常行捨心也故金

剛般若經云如是滅度無量衆生實無衆生得滅度

法界次第初門卷下

音釋

羈

楚限切

薩婆若

若爾者切梵語薩婆若此云一切智乾慧音

干

音門切

鄣

之亮切

奩

音廉切

鏡

古痕切

跟

臚

市亮切

臚

即涉切

月

鏤

蘇果切

同

蹠

兩

旁曰

透迤

透於危切

斜

去貌

支

撓

動亂也

張八

二十八